

繇軒真贊

骨氣已神仙玄圃挺生賢面上四時春心次一壺天人皆就法
門棟梁上踔他光景我道繇軒高士志趣飄然若也未知涯浹
爲君指出言詮丹成若未歸蓬島且結溪山風月緣

潘龍游喜神贊

龍章鳳姿旣非嵇叔夜燕頤虎頸又非班定遠機鳴籟動聽其
自然虛心何物何增何損花滿一壺春色好半斑頓露與人看

薛直歲喜神贊

和風滿而紫芝春雙臉常如酒半醺法籙把除符券柄宗門立
盡棟梁勳鳳冠夜戴瓊林月鶴擎朝披玉洞雲自是神仙真氣

道藏輯要

白真人集
五

美

川人
婁集五

象多生曾是薛真君

郭信叔喜神贊

萬丈雌頭立一梯百丈竿頭垂一手綿團裹鉄雲包月麒麟海
裏翻筋斗回天拓地立教門斬新氣槩鼎乾坤倪王人指碧溪
水盡是渠儂無盡恩誰乎冲靖之上足郭信叔者也

醉作觀音像仍爲書贊

柳絮多頭緒桃花好面皮夫是之謂誰東海比邱尼頂載彌陀
呈醜拙手持楊柳惹塵埃縱饒入得三摩地當甚街頭破草鞋
花紅柳綠菩提相燕語鶯啼般若宗更去普陀山上覓雲濤烟
浪捲天風